



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Papa an sit caput Ecclesiæ. tit. 212

urn:nbn:de:hbz:466:1-29452

peraris: Non complacentia populi, nam Matth. 10.
Qui plus amat patrem, matrem, &c. Nulla ergo harū
caularum excusat, sed benè necessitas extrema, infir-
mitas puerperæ &c.

Tertiò, hoc peccatum, quod pleriq; vitia carnis nō
putant peccatum, Paulus 1. Cor. 6. taxat, Nescitis, in-
quit, quòd corpora vestra templa sūt Spiritus sancti?
& Apocal. 3. angelo Laodiceæ Ecclesiæ dicitur: Scio
opera tua, quia neque frigidus, neque calidus es, uti-
nā vel vnum esses, aut frigidus, aut calidus: sed quo-
niam tepidus es, & neq; frigidus neque calidus, inci-
piam te euomere ex ore meo, &cæt. Frigidus es, quia
quæ facis, aut propter homines, aut voluptates, aut
timore pœnæ facis, & nec calidus, implens præcepta
mea feruore charitatis, aut obedientia Ecclesiæ. In-
cipiam te euomere, id est, à me abijcere, tanquā quid
abominabile. Nam illa tepiditas, id est, tarditas senti-
tia est ad omnia vitia, & dicit: Diues sum, habeo Chri-
stum in fide, sufficit, nullius egeo, id est, opus non est
ut faciam opera, obediā Ecclesiæ præceptis: & ne-
scis, quia miser es, per carentiam gratiæ: & miserabi-
lis, per reatum pœnæ, pauper in bonis spiritualibus:
caecus, non videns defectiōem, & nudus, virtutibus
spoliatus &cæt. Igitur suadeo tibi à me emere aurum,
id est, charitatem & obedientiam postulare. Extra il-
lam enim non est salus.

Ex quo sequitur, quòd non compatiuntur sese, esse
catholicum animo & fide, & corpore sectarium. Hoc
esset neq; calidum, neq; frigidū esse, ac tales euomit
Deus & abominatur. Beatus igitur homo, in quo nō
est dolus: Et qui verus ex toto est Israelita, id est, ca-
tholicus.

PAPA AN SIT CA-
put Ecclesiæ.

TITVLVS CXXII.

Notan.



NOTANDum primò, quòd duplici modo scriptura loquitur de capite Ecclesie. Primò, vt de capite fidei in quòd creditur quòd omnibus mēbris dat gloriam, & gratiam, & omnia in omnibus adimplet: sic solus Christus est caput Ecclesie, Eph. 1. Col. 1. 1. Corin. 12. & de illo loquitur Apostolus 1. Corin. 3. Fundamentum nemo aliud ponere potest, id est, salutis, præter id quòd positum est, quòd est Dominus noster Iesus Christus. Supra hoc fundamentum, id est, Christum, est ædificata Ecclesia, ratione fidei. Et sic etiam Papa est membrum Ecclesie, coherentis capiti Christo fide. Sic & Imperator. Gal. 3. Oēs vos vnum estis fide in Christum. Hæc omnium nostra est generalis fidei confessio: Tu es Christus, filius Dei viui, Matth. 16.

Secundo modo loquitur scriptura de capite Ecclesie, ratione obediētiae & regiminis. Vult enim Deus omnia ordine fieri in ecclesia, 1. Cor. 14. Ideo Christus instituit caput Ecclesie, cui obedire deberent subditi, non in eum credere, & sic Petrum instituit, dicens: Tu es Petrus, id est, lapis fidei, non dubitans in fide, sicut & ceteri, qui dicunt me esse, alij Ioannem Baptistam, alij Heliam, &c. Ideo te volo esse caput officio & persona, id est, ratione regiminis. & sub tuo officio & regimine, id est, ordine, ædificabo per verbum Euangelij Ecclesiam meam. Si ergo diligis me, pascue oues meas, Ioan. 21. Sub nullo ergo hæresiarcha & sectario ædificatur ecclesia Christi, sed potiùs desolatur & destruitur. Sub capite ergo Papa vnitas crescit, id quòd Augustinum etiam mouit credere hanc esse veram Ecclesiam, quæ Papa & Romana Ecclesia est. In Epistola contra Manichæos, quam vocant fundamenti, eò quòd Papa semper successit Papæ. Non sic hæresiarcha hæresiarchæ: stetit semper promissio Christi, Matth. 16. Porta inferorum non præualebunt.

Tertio,

Tertio, Deus synagogæ prouidit caput, id est, summum sacerdotem, Deuter. 17. cuius stare oportuit iudicio, quoties mota fuit quæstio de lege. Sic multò amplius Ecclesiæ suæ prouidit Christus caput aliquod ad quod confugiendum esset in cōtrouersijs de religione, & cuius iudicio stare oporteret. Hoc omnes catholici doctores fecerunt, solis hæreticis exceptis, qui semper, quatenus suam possint statuere hæresim, obiecerunt Papam, propter causam quam explicat Cyprianus libr de simplicitate Prælatorum: Quamuis cæteri Apostoli, inquit, erant hoc, quod erat Petrus, tamen ut vnitas conseruaretur, ab vno vnitatis originem incipere disposuit. Hanc vnitatem qui non tenet, Dei legem non tenet, nec tenet fidem, nec verbum salutis. hæc martyr Cyprianus.

Quarto, quia neque Christus, neque Petrus fides est, ergo fides non est fundamentum supra quod edificatur Ecclesia, sed persona Christi: hoc est fundamentum Ecclesiæ, supra quod fide edificamur, Ephe. 2. in quo ædificatio constructa crescit, &c. & persona Petri, persona est, supra quam ratione regiminis est Ecclesia ædificata, ut vnitas conseruetur, &c.

ECCLESIA VEL CONCI-
lium quomodo non est supra ver-
bum Dei.



Otandum primò, quòd quandò dicitur, Ecclesia sic conclusit, diffinit, intelligit scripturam, &cæt. non hoc dicitur quòd Ecclesia sit supra scripturam, superior & maior illius authoritas, quàm verbi Dei, aut quòd Prælati Ecclesiæ ad libitum adulterèt verbum Dei &cæt. sed verbum Dei in se immutabile, manet in æternū, Esai. 40. Luc. 21. Verba mea non transibunt.